

دائرة مخصوصه

درسعادتده باب على جوارنده

محل اداره :

# مشرط القبر

اخطار :

مسلكمزه موافق آثار جديده مع المنوويه  
قبول اولنور

درج ابدلهين آثار اعاده او لغاير

ديده، فلسفه، علوم، حقوق، ادبيات و سياستنامه و بالخاصه كرك سياسي و كرك اجتماعي و مردماني احوال و مشوره اسلاميه در بحث ايد و هفته رده بر نشر اولنور.

آبونه بدلي

سنه لكی

التي آيلنى

|                   |       |     |     |       |
|-------------------|-------|-----|-----|-------|
| ممالك عثمانيه     | ايچون | ۸۰  | ۴۰  | غروش  |
| روسيه             | »     | ۶۰۵ | ۳۰۵ | روبله |
| سائر ممالك اجنبيه | »     | ۱۷  | ۹   | فرائق |

صاحب و مؤسسلرى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰ باره در

قيرله دن مقوا بورو ايله گوندريليرسه سنوى

۲۰ غروش فضله آلير

عدد : ۶۵

۱۹ ذى القعدة ۳۲۷ پنجشنبه ۱۹ نشرين ثانی ۳۲۵

اوچنجي جلد



بويدن يوكسليز لاهوته اك خالص قناعتلر .

جوارندن كچر ظلمتمده بي پايان خيالتلر :

كفن بردوش كچمشلر ، قالان عريان سفالتلر !

بابام ، قاردهلرم ، اولادم ، عمجهم .. بلكه بونلردن

معزز بيلهديكم قيمتلي برچوق يار جان الان

بوطاشدن عطف ايدر ظن ايلرم دنيايه صوك امعان ..

بم روحم بوهيكلدن طويار خاموش بيك افغان !

سرير سلطنتلر دوريلير ، آلت اوست اولور دنيا ،

مشيد برج وبارولر دوشر بربر ، بوطاش حالا

زمانك دست تخريديله طوردهش ايلر استهزا !

بوتون موجوده حاكم برعدم تمثاليدر كويا .

نماز قيلندي ، دعا بيتدي . كاربان يولنه

دوزلدي ، تحت ممالك كيروب برر قولنه .

بو آخرت يولي آنجق ياريم ساعت سوردی ؛

كبرنجه عالم امواته يولجیلر طوردي .

جنازه ايندي اوموزدن ياواش ياواش ؛ صوكره ؛

صوقولدي سرويلرك اورته سنده برچوقوره .

آتيلدي اوستنه اوچ بش كورك عظام رميم :

قاباردی سينه غبراده برخراج اليم !

أوت ، چيان ، كه ياتان طويمورسه دهشتی ،

دونك ده آرقه ده كندن صورك فجاعتی !

سكون ايجنده اويوركن شور بيغيغين طوبراق ،

الى الابد او كوچوك روح چيرينوب طوردهجق ! ..

۱۴ تشرين ثاني سنه ۳۲۵

محمد حاكف



فرانسزجه بررساله دن

« ژاپونيانك ۱۹۰۹ ده كي قواسی »

ژاپونلرك ايمپراطورلرينه قارشى پرورده ايلدكلرى حس محبت ، اولادك ابوين حقنده پرورده ايتديكى حس محبتله ماهية متحد اولوب ، ژاپونلرى موقع اقتدارده بولنان حكمدارلرينه پرستش درجه سنده قدر وارديرر ؛ ايمپراطورك اوامرينه شكل مطلقيت ، قطعت اكتساب

ايتديرر . حتى « توكيو » دارالفنونی معلملى كچي اوروپايلير درجه سنده وايه مند عرفان وكمال ، اولان ذوات بيله عقايد دينيه صره سنده كچن بو اعتقاده شهبه لرى اولديني ظننه محل ويره بيله جك بر فكرك حصولنه ، شيوعنه جواز ويرمزلر . چيليلرك اصول وقواعد مرعيه لرى اقتضاسنجه ايمپراطور اهالينك اناسى ، باباسى مشابه سنده در . بتون ممالك شريفه ده ابوينك اولاد اوزرنده حق حيات و نمائی وار . يعنى ابوين لى الايجاب اولاديني اولديره بيلير . ژاپونلرك ايمپراطوره قارشى اولان محبت و صداقتلى پرستش اجداد اصولك بر شكل تفصيليسيدر .

وطن محبتى ده عين حسده مندج ، عين حسك ايجاباتندن در . ارض مقدس نظريله باقيلان ژاپون اولكاسى امواتك خاكستر ابدانندن متشكل دكلى يا ؟ اوارض مقدس هيچ بر زمان استيلايه معروض اولديني كچي معروض اولق احتمالى ده يوقدر . حتى مغول حكمدارلردن قبلای خان سكزننجى عصر ميلادينك نهايتلرينه طوغرى ژاپونيايى ممالكنه الحاق ايتك ايستر ؛ بونك ايجون ژاپونيايه سفيرلر كوندرير ژاپونلر سفيرلرك تكليفنه غايت كسديرمه بر جواب ويررلر يعنى كوندريلان ايكي سفيرك قفالرني كسرلر . صكرده عمومآ قيام ايدرك قبلای خان طرفندن مملكتلريني استيلا ايجون كوندريلان دونمائي محو و پريشان ايدرلر .

ژاپونلر غايت ساده بر قاعده يه تابعدرلر پدرلرينه نصل اطاعت ايدرلر سه جناب حقك ير يوزنده وكيلى نظريله باقدقلى ايمپراطورلرينه ده اويله جه محبت ، حرمت ايدرلر .

ژاپونيايى بالدفعات قانه بويان بر طاقم اغتشاشات بوفكرك نقيضى مؤيد كچي كورنيورسده مشال اولق اوزره ايراد ايدده جكمز وقعه آتیه بو تناقضك حقيقى اوليوب ظاهرى اولديني اثبات ايدده جكدر .

بيك سكزن يوز يتمش التيده ژاپون اردوسى باش قوماندانى اولان مارشال « ساينغوتا قامورى » ايمپراطوره قارشى فرط صداقتدن طولاي اك بنام رجال صره سنده كچمش ، ژاپونيا اردوسنك اوروپا اصولى وجهله تنسيق حقنده كي اردوسنى حيز فعله ايصال ايتك مراقبه دوشمش ايدى . كرك كنديسك ، كرك اولجه فرانسه دن جلب ايديلان معلم ضابطانك مساعى واقعه ليله يتمش بيك قدر معلم عسكردن مركب بر قوت تشكيل ايدلدى اوانئاده ژاپونيايه اوروپايلير علمينه بر حركت ظهور و « هيغو » عصيانى انتاج ايتدى .

فقط تدابير مؤثره اتخاذيله بو اختلال باصديرلدى ايسده مارشال « ساينغو » حكومتك اوروپا افكارينه فرط تمايل سائقه سيله كريوه خطايه صابديغنه ذاهب اولدى . حالبوكه بدايه بوافكارك قبولنه تهالك كوسترنلردن برى ده كنديسى ايدى . مارشال « ساينغو » ژاپونيا عادات مليه سيله غعنات قديمه سنك تهلكيه دوشمه سندن قورقدى . افراد معيتندن قرق بيك كشى آلوب ، كندى تنسيق كرده سى اولان ژاپون



اردوسنه هجوم ایتدی. ژاپونلر بوکا «ساجوما» عصیان دیرلر. بو عصیان سکیز آی قدر سوردی. ایکی طرفدن بر چوق کیمسه لر تلف اولدی. صوک محاربه ده «سایغو» نک معیتده کی افراددن اون سکزیبیک کشتی عدم آاده کیتدی. کندیسیده قالچه سندن یاره لندی؛ دیری دیری دشمن انه کچمه مک ایچون کندی معیتده کی آدملردن برینه باشی کسیدردی.

الیوم توکیونک «اوئه نو یارق» دینیلان غایت کوزل بر موقعنده ایمپراطورک امریله بو آدمک هیکل نیم اندامی رکیز ایدلمشدر. زیرا مخالفلرک حرکت واقعه لری حکمداره قارشى عصیان دکل ایدی؛ ایمپراطوره قارشو سلاح بدست تجاوز اولمقله الدامش اولملری ملحوظ ایدی. انلر حرکت واقعه لریله ایمپراطوره تبمه صادقه صفتیله خدمت ایدیورز ظن ایدیورلردی. بویله بر خطاده، خدمتلری تقدیره، باخصوص «سایغون» ک نامی هیکل رکزی صورتیله انظار عامه یه قارشى شهره مانع اولماق لازم کلیردی. نیتکم مانع ده اولمدی. اوروپالیلر، ژاپونلرک ایمپراطوره قارشى پرورده ایتدکری صداقت و محبتک درجه سنی دیگر برسیدن طولانی تقدیرایده مه مشلرایدی. اوروپالیلرک اعتقادنجه ژاپونیا ده بری دینی، دیگرى سیاسی اولق اوزره ایکی ایمپراطور واردی. اوروپالیلر مدت مدیده بواعتقاده بولندیلر، بواعتقادک بالدفعات نتایج سیئه سی کورلدی. سفرا «حشمتاب» عنوانی ویردکری «تایقون» یعنی سیاسی ایمپراطوره مراجعت، انکله برطاقم مقاولات عقد ایدرلردی. حالبوکه ایمپراطورک مهری اولمدینی ایچون بومقاوله نامه لرک حکمی، اهمیتی یوق ایدی. «تایقون» لرک اصل عنوانی «شوگون» ایدی که معناسی «سردار» دیمکدر.

«شوگون» لردن بعضیلری اجنیلره قارشى کندیلرینه ده ا زیاده بر پایه ویرمک ایچون «تایقون» (بیوک پرنس) عنوانی ایدیلر.

فقط تایقونلرک هیچ بری ایمپراطورلق ادعا سنده بولمدی. ژاپونیا ده دائماً بر ایمپراطور وار ایدی، بعضاً حائز نفوذ اولمقله برابرینه آنک نامنه اجرای حکومت ایدیلر ایدی. یالکیز قوه اجرائیه «تایقون» ده تشخص ایش ایدی. «تایقو» نک اجرا آتیه قارشى اعتراض ایدیله بیلیر، فقط ایمپراطور صفت قدسیتی حائز اولدیغدن اکا قارشى شق شفه ایدیله مز ایدی. ژاپونلر بواکی قوتی اصلاً بر برینه قارشیدرمدیلر؛ اهلینک صداقتی، محبتی دائماً ایمپراطوره ایدی.

«شوگون» لق ۱۱۹۰ تاریخندن ۱۸۶۷ سنه سنه قدر دوام ایتدی، یدی یوز سنه دن عبارت اولان بومدت ظرفنده ملتک اخلاقی، معنویاتی اوزرینه عظیم برتائیر اجرا ایددی. ژاپون تاریخی بشنچی عصر میلادی نهایتنه قدر افسانه دن عبارت اولوب الده وئائق تاریخیه یوق ایدی. فقط «بودا» مذهبک ژاپونیا ده ادخالی تاریخی اولان

بشیوز الی بش سنه میلادیسندن اعتباراً مدونات محفوظه سایه سنده متین اساسلره استناداً تدقیقات، انتقادات اجرا ایدیله بیلیر.

ژاپونیا ده «بودا» مذهبیله چین مدنیتی، چین مدنیتله ده - بقیه ایام زندکانیلری عبادات و طاعاته حصر ایتک اوزره - حکمدارلرک سلطنتدن فراغتلی عادت کیردی. بوعادت قرون وسطی ده ایمپراطورلرک نفوذینه بر درجه یه قدر سکتیه ایراث ایش ایدی.

سکزنجی عصرک اواخرنده حکومت چین اصولی اوزره تنسیق ایدلمش ایدی. بواصول اقتضاسنجه «ابن السما» اولان حکمدارک کندیسینه قارشو مسئول بر هیئت وکلاسی وار ایدی. تطبیقات نقطه نظرندن حکومتک بوشکل مطلقیتی حقیقی اولمقدن زیاده ظاهری، اعتباری ایدی.

ژاپونیا نک شکل اجتماعسی، اصول اداره سی بتون حکومت ابتدائیه ده اولدینی کبی دره بکلکی اصولندن عبارت ایدی. دره بکلری زیر اداره لرنده بولنان محللرک ضبط وربطی، کندیلریله معیتلری طرفندن ابراز ایدیلان جبروشدته تأمین، قرون وسطی ده کی بارونلر کبی دائماً بر برلریله محاربه ایدرلر ایدی. بولردن بعضلری سلاح قوتیله فوق العاده کسب نفوذ و قوت ایتدیلر. از جمله دره بکلرینک اک صاحب نفوذی اولان «فوزی وارا» عائله سی آلتی یوز ایش تاریخندن بیک الی تاریخنه قدر حکومتک زمام امورینی یدتمشیتده طوتدی.

بوعائله نک ارکانی اک مهم خدمتله تعیین، قزلی ده ایمپراطورلره تزویج ایدیلر ایدی.

اوزاقده دوران دیگر دره بکلری راحت طورمدقلرندن مجادله اکسیک اولماز ایدی. بومجادات متدیه نتیجه سنده «طایرا» لر «میناموتو» لر نامیله ایکی بیوک فرقه ظهور ایتدی. بونلر اون برنجی عصرک نصف اخیریه اون ایکنجی عصرک نهایتنه قدر زمام حکومتی اله الملق ایچون مجادله دن، مشاجره دن خالی قالمدیلر. اوزمان کیم اک قوتلی عسکرله مملکتی ضبط ایدوب اراضی معیتده کی افراده توزیع ایدرسه حکمدار او اولوردی، طایرالر بیک یوزسکسان بش تاریخنده کلیاً انقراض بولدقن صکره زمام اداره مملکت «میناماتو» لرک رئیس «پورتیومو» نک الینه کچدی؛ ایمپراطور بوکا «شوگون» عنوانی ویردی. اخلافیده بوعنوان ایله یاد اولندی. بیک بشیوز طقسان ایکیده «هیده پوشی» نامنده کی شوگون وادی تمردده پویان اولان سائر دره بکلرینی تدمیر، قوره یی تسخیر ایتدی. چینی ده قبضه تصرفه کچیرمک تصورنده ایکن بشیوز طقسان سکزده قبضه موت بی امانه تسلیم کریبان ایتدی.

متنفذ دره بکلرندن «توقو غاوا» «هیده پوشی» نک اوغلنی باباسنک سرایندن طیشاری اتدی؛ راحت طورمیان دره بکلرینی تنکیل، بولردن قالان اموال و املاک قسم اعظمی کندی ادملری بیننده تقسیم ایتدی. فقط بوضورتله تأدیبات تنکیل ایده مدیکی «زاجوما» و «شوشو» عائله لرینه برطاقم تخصیصات اعطا ایدره مملکت ده اعاده



اسايشه موفق اولدى . ايمپراطوره قارشى رعايتده قصور ايتديكندن «توقوڭاوا» يه ايمپراطور طرفندن اولادينه ده انتقال ايتك اوزره «شوكون» عنوانى توجيه اولدى .

ژاپونلرك فكري بواصول ايله اشباع ايدلمش ، بواصول اداره بينلرينه كوك صالمش ايدى .

دره بلكلىكى زماننده ژاپونى اهالىسى درت صنفه تقسيم ايدلمش ايدى . بونلردن برى زادكان صنفى ديكرلريده كويليلره ارباب صنعت و تجارت صنفلى ايدى . اراضى صاحبي اولان دره بكارى مستحكم شاتولرنده اقامت ايدلر ، بعضى تسكليف مقابلهنده افراد معتلرينى حايه ايلرلر ايدى . بونلر ايچون محاربه احتياجات ضروريه دن ايدى . بويله محبطلرده تربيت يذير اولان چوجقلره «ساموراي» ديتيلن عسكر صنفك نخبه امالى ، غايه فكري و خياليده شان و شرف قازانمقدن عبارت ايدى «ساموراي» لر حائز اولدقلى صفت عسكريه دن طولاي زادكاندن معدود ايدلر . چونكه ژاپونلرك فكري نخبه بتون زادكانك عسكر اولمى ، بتون عسكرلر كده زادكاندن عد ايدلمى لازم كايور ايدى . بونلرك غايه تعليم و تربيه لرى ، مشغله لرى جنبكار . لكندن عبارت ايدى . دره بكارينه قارشى اطاعت و صداقت كامله اوزره بولنق اعتقادي كنديلرنجه دين قدر حائز قوت ايدى . ايچلرنده بونك عكسنى تخيل ، بوندن تجريد نفس ايدن كيمسه بولماز ايدى . ژاپونىاده «دوئللو» يرينه «باراقيرا» ديتيلان اتجار عادتى قائم اولمش ايدى . حقارته دوچار اولان بر آدم اعاده ناموس ايچون اتجار وبوصورتله كنديسنى تحقير ايدن كيمسه بيده اتجاره مجبور ايدر ايدى . بو حال ، ژاپونلرك فرط متانت و جسارتلرينه دليل اولان بو عادت حالا جاريدر . اتجارلرده ، مجبورى ، اختيارى ناهلريله ايكي يه آيريلير . مجبورى اتجار حكومتك زادكانه مخصوص بر لطفيدر . زادكاندن برى اعدامه محكوم اولورسه جلادالنده اولمه مك ايچون اتجار ايتمسه مساعده اولنور . اتجارلر على العموم معبدلرده وقوع بولور . بر طاقم اكابرده . شاهد صفتيله محل اتجاره كيدر . اتجار ايدمك ادم يوزنى معبدك توجه نقطه سنه چويرر ، ديز چوكر ، يكلرينى ديزلرينه باغلادير ( چونكه زادكاندن اولانلرك بعدالاتجار همه حال يوزاوستى دوشمه لرى لازمدر . ) منتحر قارنك صول طرفه بريچاق صوقار ياواش ياواش بونى صاغه طوغرى چكر . ياننده طوران ، منتحرك بو حركتى نقطه سنى نقطه سنه تعقيب ايدن بردوستى ده بردن بره اياغه قالقهرق قليجله منتحرك باشنى كسر . اليوم قالديرلمش اولان بو عادتك عودت ايتك احتمالى وارسه ده اختيارى اتجارلر اليوم واقعدر .

فريد



## اصلاحات مدارس

مفتره بر مطالع

بر مملكتده دين ميين اسلامك قوتى اومملىكت علماسنك اقتدار

و اعتبارى نسبتنده در . علماء اسلام احكام اسلاميه نك حكمت و حقيقتى خلقه تفهيم ايدم مزده عقلمه كنن سفسطه لرى دين نامنه قبول ايتديرمك سوداسنه دوشرسه ، دينه خدمت دكل ، بلكه اهانت ايتمش اوله جنى كبي ، علامه ده اولسه حيثيتى اوليان بر عالم مطلوب خدمتى ايفا ايدم مز . شمدى يه قدر كرك هياكل مستبده و كرك افراد اهالى نظرنده يوق ديه جك درجه يه كان حيثيت علمايى تماميله اعاده ايتك و احتياجات زمان نقطه نظر نجه دكرلى عالم يتشديرمك يعنى الطاف مشروطيتدن علميه نك ده حصه سنى آلمق بوكون دين ميين خادملى ، پيغمبر وارثلى اوزرينه فرض عين كيدر . اسكى زلرده مدرسه لر علمك مأخذى ، هر درلو معارفك مركزى ايكن اپى وقتدر كه قبه حماقت دنيلور ، موقع جهالت نظريله باقلىوردى . علم و معارفى محوايله ملتك جهالتدن استفاده ايتك فكرنده يشايان حكومت مستبده ، هر صنف اهالى حقنده تطبيقى لايق كوردى كي ضرره لردن اك بيوكنى علميه اينديرمشدى . چيفجيلره وحتى چو بانلره قدر صاريق صارديرمق كبي بردسيه ايله حيثيت علميه يي پامال ايتمش ، كندينه مخصوص اولان بر قورنازلق ايله حسبه الله اوقومق فكرنده بولنان طلبه علوميده چالشمقدن واز كچيرمشدى . حاصل علميه نك وجودى تدرىچا اورتادن قالديرمق فكر باطلانه همان همان موفق اولمشدى . بوكون بوانقراض استبداد چوق شكر محو اولدى . علم و معارفك قدرينى بيله جت ، ارباب اقتدارك قيمتى تقدير ايدم جك بر حكومت مشروطه يي حمد اولسون كوزيمز كوردى . شمدى يه قدر هر درلو ترقيدن كيرى قاليشمز بر معذرتة محل ايديله بيليردى . بوندن صكره وقوع بولان بطاقت شهبه سز دركه كنديمزى ، يالكز كنديمزى مسؤل طوته جقدر . شويله ياه جغز بويله ياه جغز سوزلرينك لذتيله دماغز طولدى . ارتق ياه جقلىر يايىق ، قوه دن فعله چيقارمق زمانى كلدى . صوكى كليجك منفعت شخصيه قابليهم . مسلك نامنه جدى چالشم . يوقسه صورتا چالشم سوزيله كفايتيم ، يا خود كنديمزى چالشيور كى كوستره رك هر كسى الداتيم . مدرسه لرده فنون حاضر نك اوقوممه سى ، و بناء عليه براميد استقبال بولنمه سى دائما طلبه يي مدرسه دن صوغيدور . بالضرور مكتبلره تشويق ايدبيور . بو حالك دوامى مرور زمان ايله طلبه نك توكنمى ، مدرسه يه لزوم قالمه سى كبي وخيم بر نتيجه توليد ايدم جك ماهيتى حائزدر . علميه يي اسكى حالته ارجاع ايتك و بلكه ده موجوديتى محافظه ايدم بلك اكر يا كليورسم مدرسه لرده علوم دينيه كبي فنون جديده يي ده مكتبلردن دهامكمل اوقوتمق ، طلبه و مدرسه يي فوق العاده انتظامه آلمق ، حاصلى بر اميد استقبال تايمين ايدوبده طبعيله هر كسى مدرسه يه جلب ايتك خصوصنده ارباب علمك غيرت و همته قالمشدر .

ايشته بومهم نقطه لرى دهـا زياده تقدير ايدن درس و كالتى اصلاحات علميه ايچون وقوع بولان تشبثاتيله بتون علمايى ، عموم طلبه يي منتدار ايتمشدر . فقط مسلك علميه ده بولنان سائر علماده اصلاحات مدارس حقنده كى فكرلرينى شو صرمده ميدانه قويسهلر فائده دن خالى